

Փ Ա Ս Տ Ա Թ Ղ Թ Ե Ր ԵՎ Տ Ե Ղ Ե Կ ՈՒ Թ Յ ՈՒ Ն Ն Ե Ր

Նոյեմբերի 14-ին Ազգային հնքնորոշում Միավորման Աշխատանքի համակարգիչ կենտրոնը կոչ-թուղթիկով դիմեց հայ ժողովրդին դուրս գալ հանրաժողովի: Հայտնվում էր, որ նոյեմբերի 15-ին Եվրոխորհրդարանը քննարկելու է Հայկական հարցը և այնտեղ որպես վկա հանդես է գալու ազգային գործիչ Պարույր Հայրիկյանը՝ ներկայացնելով Հայկական հարցի այսօրվա վիճակն ու առաջադրելով մեր ժողովրդի խնդիրներն ու պահանջները:

Խորհրդային Հայաստանում գործող ազգային ազատ միությունների, միավորումների ու խմբերի նախապես կայացրած համաձայնությամբ ձևակերպվել էին հետևյալ փաստաթղթերը, որոնք ԱԽՄ-ի անդամների կողմից նոյեմբերի 15-ին ներկայացվեցին հանրաժողովի մասնակիցների ուշադրու-

հնքնորոշում թերթ. 1 դեկտեմբերի, 1988 թվական, էջ 14

թյանը:

Պատճեն՝

ՍՏՐԱՍԲՈՒՐԳ. ԵՎՐՈՊՈՐՀՐԴԱՐԱՆ
ՄԻՋԱԶԳԱՅԻՆ ՀԱՍԱՐԱԿԱՅՆՈՒԹՅԱ-
ՆԸ ԵՎ ՄԻՋԱԶԳԱՅԻՆ ՀԱՍԱՐԱԿԱ-
ԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ

Հիմնվելով միջազգային գործող օրենքներին և ապավինելով Եվրո-
խորհրդարանի հետևողական արդարադատ դիրքորոշմանն ու հայանպաստ գոր-
ծունեությունը՝ դիմում ենք Ձեզ հետևյալ խնդրանքով.

Ստանձնել հայ ժողովրդի ինքնորոշման արդարացի պահանջի ու իրա-
վունքի հովանավորությունը, միջազգային հանրություն առջև, միջազգային
օրինապաշտպան կազմակերպություններում այն ներկայացնելու, պաշտպանե-
լու և խնդրի վերջնական լուծմանը նպաստելու մարդասիրական առաքելու-
թյունը:

Որպես մեր դիմումի իրավական հիմք հայտնում ենք, որ.

ԱՌԱՋ հին՝ 1988 թվականի սեպտեմբերի 23-ին և 25-ին ավելի քան
500.000-անոց հանրաժողովներում հայ ժողովուրդը իր քվեն տվեց ի օ-
գուտ ԱԶԳԱՅԻՆ ԻՆՔՆՈՐՈՇՈՒՄ ՄԻԱՎՈՐՄԱՆ հետևյալ հայտարարությունների.

ա/ Հայաստանի ժողովուրդը դիմում է Եվրոխորհրդարանին ու Միա-
վորված Ազգերի կազմակերպությանը՝ նրանց հովանավորությամբ ու անմի-
ջական վերահսկողությամբ անցկացնելու հանրաքվե՝ Հայաստանը Արցախի
հետ, ԽՍՀՄ կազմից դուրս բերելու համար, որը հայ ազգը կոտորածներից
և ստույգ ոչնչացումից փրկելու միակ երաշխիքն է:

բ/ Խնդրում է Եվրոխորհրդարանին և ՄԱԿ-ին ԽՍՀՄ կառավարությունից
պահանջել անհապաղ Հայրենիք վերադարձնելու հայ ազգի արժանավոր զավակ
Պարույր Հայրիկյանին:

ԵՐԿՐՈՐԴ՝ ,,ԱԶԳԱՅԻՆ ԺԱԿԱՏ,, շարժումը համաշխարհային հասարակայ-
նությունն ու Եվրոխորհրդարանին է դիմում հետևյալ հայտարարությամբ.
Հայաստանը բռնակցվելով Խորհրդային Միությանը /հիմա. Ռուսաստանին/
ոչ միայն կորցրեց իր պետականությունն ու խոստացյալ, բայց մինչ այժմ
զուտ հորջորջվող սուկերենությունը, այլև անընդմեջ ենթարկվելով ազ-
գային հալածանքի, տարածքային մասնատման, տեղահանության ու բռնու-
թյունների՝ այսօր կանգնած է Ֆիզիկական ու հոգևոր լիակատար բնաջրնջ-

ման եզրին:

Դիմում ենք Եվրոխորհրդարանին և միջազգային հասարակայնությանը՝ պահանջել ԽՍՀՄ կառավարությունից իրագործել իր իսկ ստորագրած միջազգային պայմանագրերն ու փաստաթղթերի պարտավորությունները, դադարեցնել հայ ազգի նկատմամբ իրագործվող ֆիզիկական, հոգևոր ու կենսաքանական եղեռնը, հարգել մարդու և ազգի ինքնորոշման իրավունքը, վերականգնել հայրենիքից բռնի վտարված Պարույր Հայրիկյանի քաղաքացիությունը:

ԵՐՐՈՐԴ՝ 1988թ. նոյեմբերի 12-ի հանրաժողովում Հայաստանի ,ՂԱՐԱԲԱՂ,, կոմիտեն հստակորեն արտահայտեց իր դիրքորոշումը Սովետազգիթում կատարված ցեղասպանության կապակցությամբ. նշեց, որ Մոսկվան թաքցնելով կատարվածի ողջ իսկությունը՝ հաստատում է իր ոչ միայն մեղսակցությունը, այլև անմիջական ղեկավար դերը Սովետազգիթի, Մասիսի, Զվարթնոցի և Խոջալուի եղեռնագործության հրահրման ու կազմակերպման գործում:

Կոմիտեն դիմում է միջազգային հասարակայնությանը՝ խնդրելով պաշտպանել կազմակերպված ոճրագործության զոհ հայ ժողովրդի իրավունքները:

ՀՈՐՐՈՐԴ՝ ,ԳՈՅԱՊԱՀՊԱՆՈՒԹՅՈՒՆ,, Ազատ Միավորումը ահազանգում է Հայաստանի կենսաքանական աղետի, ամեն պահ պայթյունավտանգ ատոմակայանի, մեծ ու փոքր քիմիայի ազդեցությամբ հայ ազգի գենոֆոնդի ոչընչացման, նրա պատմամշակութային, հոգևոր արժեքների անխուսափելի կործանման, Սովետազգիթում իրականացված ջարդի մասին և այսօրվա իրավիճակը որակավորում է որպես շարունակական եղեռն:

Ելնելով այս իրադրությունից ,ԳՈՅԱՊԱՀՊԱՆՈՒԹՅՈՒՆԸ,, դիմում է համաշխարհային հասարակայնությանն ու Եվրոխորհրդարանին խնդրելով սատար կանգնել հայ ժողովրդին դուրս գալու առկա ողբերգական իրավիճակից և սլարտադրել Խորհրդային կառավարությանը ճշմարիտ քաղաքական գնահատական տալ իր գործողություններին ու Սովետազգիթի եղեռնագործությանը:

,ԳՈՅԱՊԱՀՊԱՆՈՒԹՅՈՒՆԸ,, Պարույր Հայրիկյանի արտաքսումը հայրենիքից գնահատում է որպես մարդու իրավունքների ոտնահարում և պահանջում նրան վերադարձնել Հայրենիք:

Հինգերորդ՝ ՄԱՐԳՈՒ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ հանձնախմբերը և **ԱԶԳԱՅԻՆ ԻՆՔՆՈՐՈՇՈՒՄ ՄԻԱՎՈՐՄԱՆ ԻՐԱՎԱՊԱՇՏՊԱՆ** ՀԱՆՁՆԱԽՈՒՄԲԸ միջազ-

գային հասարակայնությանն են դիմում հետևյալ հայտարարութեամբ.

Խնդրում ենք պարտադրել ԽՍՀՄ կառավարությանը հարգել իր իսկ սահմանադրութեամբ երաշխավորված մարդու և քաղաքացու իրավունքները. չեղյալ հայտարարել Պարույր Հայրիկյանին հայրենիքից արտաքսելու ապօրինի որոշումը, դադարեցնել Ազգային շարժման մասնակիցների հանդեպ ապօրինի բռնություններն ու ծերբակալումները:

Հանձնախմբերի վերոհիշյալ հայտարարութեանը միանում են Ուկրաինայի, Վրաստանի և Մեքսիկայի երկրների իրավապաշտպանները:

ՎԵՑԵՐՈՐԴ՝ „ԳՈՅԱՊԱՅՔԱՐ“, միությունը փաստարկելով հայ ժողովրդի ներկա ողբերգական վիճակը, հայտարարում է.

Որպեսզի 70 տարի ուշացումով չճանաչվի այսօր իրագործվող եղեռնը, /ինչպես եղավ 1915թ. ցեղասպանության փաստը/ դիմում ենք Եվրոխորհրդարանին և նրա միջոցով համաշխարհային հասարակայնությանը խնդրանքով, որ պահանջեն Մոսկվայից այսօրևեթ դադարեցնել հայ ժողովրդի նկատմամբ ծրագրված ցեղասպանությունը:

ՅՈՒՆԵՍԿՈՒՄ՝ „ՄԱՇՏՈՑ“, միավորումը դիմում է Եվրոխորհրդարանին և միջազգային հանրությանը կոչով՝ օժանդակել հայ ժողովրդի հոգևոր ու լեզվական եղեռնի դադարեցմանը:

Նույն օրը ի գորակցումն Պարույր Հայրիկյանի, հանրաժողովը միաձայն ընդունեց նաև հետևյալ փաստաթուղթը.

- ԱՇԽԱՐՀԻ ԲՈԼՈՐ ՊԵՏՈՒԹՅՈՒՆՆԵՐԻՆ ԵՎ ԿԱՌԱՎԱՐՈՒԹՅՈՒՆՆԵՐԻՆ
- ՄԻՋԱԶԳԱՅԻՆ ՀԱՆՐՈՒԹՅԱՆԸ
- ՄԻԱՎՈՐՎԱԾ ԱԶԳԵՐԻ ԿԱԶՄԱԿԵՐՊՈՒԹՅԱՆԸ
- ԵՎՐՈՒՈՐ ՀՐԴԱՐԱՆԻՆ
- ՄԻՋԱԶԳԱՅԻՆ ԻՐԱՎԱՊԱՇՏՊԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ
- ՍՓՅՈՒՌՔԱՀԱՅՈՒԹՅԱՆ, ՆՐԱ ԲՈԼՈՐ ԿՈՒՍԱԿՑՈՒԹՅՈՒՆՆԵՐԻՆ ՈՒ ԿԱԶՄԱԿԵՐՊՈՒԹՅՈՒՆՆԵՐԻՆ

ՈՒ Ղ Ե Ր Զ

Քանի որ Խորհրդային Հայաստանի ժողովուրդը ճայնագուրկ է միջազգային բոլոր առյաններում և այդ ճայնի իրավունքը միայն իրեն վերապահում է:

հող ԽՍՀՄ կառավարության շահերը չեն համապատասխանում մեր ժողովրդի կենսական խնդիրներին, 1988թ. նոյեմբերի 15-ին նրանում կայացած մոտ 500.000-անոց հանրաժողովի մասնակիցներս հայտարարում ենք.

Պարույր Հայրիկյանին մանաչում ենք խորհրդային հայության իրավունքներն ու պահանջները ներկայացնող, պաշտպանող, ժողովրդական լիազոր անձ՝ դեսպան: